

Aallaqqaammut nakorsiareeruma qanoq iliussaanga?

Nuummi

Nuummi saffiginneqaarninni nakorsamukassanngilatit. Peqqissaasup quut misissussavaa aaversinnissannullu inniminniissaaq taakkulu akissutissartaat toqqaannartumik juumuumut nassiunneqassapput. Juumuup aaversinnermit akissutisiat tigugunigit siarnerfigissavaatit juumuumillu oqaloqateqaqqaarnissannut neqeroorfigalutit.

Aapparpit oqaloqatigiinnermi tamatumani peqataanissaa innersuussutigaarput. Juumooq naartuneq tamaat peqqinnissaqarfimmut attaviussaaq.

Illit/ilissi naartunerup sap. ak. tallimassaata qulissaatalu akornanni, aqqaneq aappassaanni, 22-issaanni, 28-issaanni, 32-issaanni, 36-issaanni, 38-issaanni, 40-saannilu saniatigullu pisariaqartitsinerni juumuumit takuneqarnissamik neqeroorfigineqassaasi.

Siullermik misissortinneq nal. ak. ataatsimik sivisussuseqassaaq, sinnerinut immikkut nal. ak. affaa naatsorsuutigineqarpoq . Juumuup pisariaqarpat nakorsamut innersuutissavaatit.

Sinerissami qitiusumik immikkoortuni ernisussiortoqanngitsuni nakorsamit peqqinnissakullu sullissisumit allamit takuneqartassaatit. Pisariaqalissagaluarpat taakku Dronning Ingridip Napparsimmavissuani immikkoortortamut immikkut ilisimasaqarfimmut attaveqarsinnaapput.

Sinerissami

Sinerissami peqqinnissaqarfiup qitiusumik immikkoortuini peqqissaavimmi nakorsanit aamma misissorneqassaatit. Sapaatip akunnera misissortinnissanut qulaani allassimasunut tunngatillugu, peqqissaaviit ataasiakkat piffissaliuttagaat nikerarsinnaapput.

Naartunerup nalaani nakorsamit misissortinnissaq pisariaqassappat ernisussior tup tamatumunnga innersuutissavaatit.

[Uani](#) quppersagaq *Peqqinnissaqarfimmi naartuneq erninerlu* aamma atuaruk.

-->